



Prot. N. 1332/19/I



DECRETUM

PAENITENTIARIA APOSTOLICA, ad augendam fidelium religionem animarumque salutem, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, attentis precibus nuper allatis a Rev.do P. Ioachimo Rego, Superiore Generali Congregationis Passionis Iesu Christi, in trecentesimo anniversario ex quo Sanctus Paulus a Cruce in eiusdem "recessu de Castellatio" praefatam Congregationem fundavit, de caelestibus Ecclesiae thesauris benigne concedit plenariam Indulgentiam, suetis sub condicionibus (sacramentali Confessione, eucharistica Communionem et oratione ad mentem Summi Pontificis) ab omnibus christifidelibus vere paenitentibus atque caritate compulsis lucrandam, quam etiam animabus fidelium in Purgatorio detentis per modum suffragii applicare possint, dummodo iubilariis celebrationibus devote interfuerint: - a die XXII Novembris MMXX usque ad diem I Ianuarii MMXXII in Uvadensi domo natali Sancti Pauli a Cruce; in Praesentationis Beatae Mariae Virginis Conventu de Monte Argentario; in Sancti Angeli Conventu de Vetrallae; in SS. Ioannis et Pauli Conventu de Urbe; - semel in iubilari anno, in omnibus Conventibus et Monasteriis Congregationi Passionis Iesu Christi spectantibus, die a Patribus et Monialibus libere eligendo in precipuis quattuor et aliis peculiaribus circumstantiis, ut in supplicibus litteris iam determinatis, vel saltem coram Sancti Fundatoris exuviis per congruum temporis spatium piis vacaverint considerationibus, concludendis Oratione Dominica, Symbolo Fidei atque invocationibus Domini Nostri Iesu Christi Crucifixi, Beatae Mariae Virginis Perdolentis et Sancti Pauli a Cruce.

Senes, infirmi omnesque qui gravi causa domo exire nequeunt, pariter plenariam consequi poterunt Indulgentiam, concepta detestatione cuiusque peccati et intentione praestandi, ubi primum licuerit, tres consuetas condiciones, si iubilariis celebrationibus se spiritaliter adiunxerint, precibus doloribusque suis vel incommodis propriae vitae misericordiae Deo oblatis.

Quo igitur accessus, ad divinam veniam per Ecclesiae claves consequendam, facilius pro pastoralis caritate evadat, haec Paenitentia enixe rogat ut Patres ex Congregatione Passionis Iesu Christi, prompto et generoso animo, celebrationi Paenitentiae sese praebeant.

Praesenti totum per Congregationis Passionis Iesu Christi Iubilaeum valituro. Non obstantibus in contrarium facientibus quibuscumque.

Datum Romae, ex aedibus Paenitentiarum Apostolicarum, die XIV mensis Septembris, in Exaltatione Sanctae Crucis, anno Dominicae Incarnationis MMXX.

Maurus Card. Piacenza
MAURUS Card. PIACENZA
Paenitentiarum Maior

Christophorus Nykiel
CHRISTOPHORUS NYKIEL
Regens